

مش هتقدر تغمض عينيك | " نعيم الجنة " | #محاضرة | د .

حازم شومان

حازم شومان

الحمد لله وكفى وصلاة وسلاما على عباده الذين اصطفى. اما بعد آآ مش هتقدر تغمض عينيك. مش هتقدر تغمض مش هتقدر تغمضي عينيك. هو ده الشعار اللي احنا هنعيش مع الجنة حوالين هذا الشعار الليلة اخواني واخواتي في الله. هي دي الكلمة اللي انا حاسس - 00:00:00

ان هي جوة قلبي من سنين والله يا جماعة. من سنين والواحد بيتعجب! ازاى الجنة ما فيش فيها نوم! يعني ايه ما فيش نوم الا على سبيل التلذذ انما ما فيش حاجة اسمها ان انا تعب ان فعايز اريح شوية. ان انا مجهد فعايز انام شوية. ان انا مش قادر فعايز اقبل شوية. لآ. ان كان هناك - 00:00:24

نوم في الجنة فعلى سبيل التلذذ بس. انما انما الجنة ليس فيها نوم. مش هتقدر تغمض عينيك. مش مش هتقدر تنام مش هتقدر تغمض عينيك اصلا. عايزين نتكلم عن الجنة يا جماعة. عايزين نتكلم عن رحلة للجنة. عايزين نعيش بقلوبنا مع الجنة. كنت الليلة هتكلم معكم عن - 00:00:44

الطريق للجنة وبعد كده قلت لآ. اتكلم الاول عن شوية تصور كده لروعة الجنة والابداع الجنة. وخدوا بالكم القضية مش قضية ان انا اوصف الجنة. القضية قضية انت قلبك ملمس مع قضية الجنة ولا لآ؟ انت مشتاق لها ولا لآ؟ انت بتحلمي بها ولا لآ؟ ارض - 00:01:04 افراح من اجمل الاوصاف اللي سمعتها عن الجنة ارض الافراح. لما الامام ابن القيم عمل كتاب حادي الارواح الى بلاد الافراح بلاد الافراح مش هنقدر ننام في الجنة من كثر الافراح يا جماعة. افراح لا تنقطع. افراح لا تكف. افراح لا - 00:01:24 توقف تعالوا نحاول نقرب من ارض الافراح. تعالوا نحاول نفهم بعد خمسين الف سنة في يوم القيامة. بعد خمسين الف سنة في الصراط الميزان والبعث والحشر وقبلهم طالعة من القبر المفروض ان احنا يعني ربنا يجعلنا من اهل الجنة يا رب اللهم امين. المفروض ان اللي جايبين يدخلوا الجنة دول - 00:01:44

يعني مش مش مجهدين مقتولين من الاجهاد. المفروض اللي جايبين يدخلوا الجنة دول ما ناموش من خمسين الف سنة. ما كلوش من خمسين الف سنة. ما شربوش من خمسين الف سنة الا ما كان على حوض النبي صلى الله عليه وسلم. المفروض بعد خمسين الف سنة اجهاد. اول حاجة اول ما تدخل الجنة كده انا عايز - 00:02:04

اكل اي لقمة وانام وانام شوية ولكن ويالى المفاجأة ويالى الابهار ويا للنعيم الذي يتلقى اهل الجنة تعالوا نبدأ نتخيل كده ونتصور واحنا في الرحلة بتاعة الجنة دي. واحنا في التصور بتاع انسان ايه اللي هيطير النوم من عينيه؟ ايه اللي هيلغي النوم - 00:02:24 من حياته ايه اللي هيخليه ما عايش يقدر يغمض عينيه؟ ايه اللي هيخلي اهل الاعراف واقفين على جبل الاعراف؟ كل ما يشوفوا حال اهل الجنة قلوبهم تتفكر من اللفة على ان هم يشاركوهم في الافراح اللي هم فيها. تخيلوا يا اخواني لو فيه رئيس جمهورية جاي يزور اي دولة تانية - 00:02:44

بيستقبل في المطار استقبال فخم جدا. بيوقف صفين استقبال طوال جدا. بيجيوا له اطفال كده يلبسوه بكوهات ورد من التكريم عازفوا له السلام الجمهوري بيعملوا له ويبعملوا له بيبقى رئيس الجمهورية ده معه مية مية وخمسين واحد. الوفد المصاحب له. هل كل واحد في المية وخمسين واحد - 00:03:04

في الوفد بيعملوا له نفس اللي بيعملوه لرئيس الجمهورية؟ لأ طبعا ليه ؟ ده الرئيس الجمهورية بس. اومال الباقيين تكريم عام. يعني اشارات تكريم كده يبقى اذا مش كله بيتعامل نفس المعاملة هو ده اللي بيحصل على باب الجنة. مش كله بيتعامل نفس المعاملة. من واحنا داخلين على ابواب الجنة يا اخواني. انا عايزك تغمض - [00:03:24](#)

اغمض عينيك وتفتح عينين قلبك. انا عايزك تعيشي معي وانت ربنا اختارك انك تبقي من جيران الله. في الافراح وانت جاي تدخل كده وبستقبل استقبال الملوك على ابواب الجنة. الناس على باب الجنة بيستقبلن نوعين من الاستقبال - [00:03:44](#) بيستقبلوا نوعين فيه ناس بيحجروا على الجنة وفيه ناس الجنة هي اللي بتجري عليهم. قال تعالى سيقوا الذين اتقوا ربهم الى الجنة. الناس دي بتجري على الجنة. وفي ناس واذا الجنة ازلفت. وفي ناس وازلفت الجنة - [00:04:04](#)

الجنة هي اللي بتجري عليهم. الجنة هي اللي بتقرب منهم زي ما قلت لكم بالزبط. فيه ناس بتقابل على ابواب الجنة استقبال الملوك واستقبال الملكات. وفيه ناس بتقابل على ابواب الجنة استقبل تكريمي جميل عظيم رائع ولكن مش زي الناس الاولانيين. والكل لما بيبجي على باب الجنة ويسمعوا - [00:04:24](#)

سبحانه وتعالى وهو يقول يا عبادي لا خوف عليكم اليوم. ولا انتم تحزنون. تخيلي كده اللحظة اللي هتسمعي فيها الكلمة دي من ربنا تخيل اللحظة اللي ربنا هيقول لنا فيها ادخلوها بسلام - [00:04:44](#)

تخلوا كده اللحظة اللي ربنا هيقول لك فيها. يا ايته النفس المطمئنة ارجعي الى ربك راضية فادخلي في عبادي ادخلي جنتي. تخلوا يا جماعة لما هنسمع من ربنا هذا الكلام - [00:05:04](#)

الجنة انتم وازواجكم تحبرون. يطاف عليهم بصحاب من ذهب واكواب وفيها ما تشتهييه النفس وتلذ الاعين فيها خالدون وتلك الجنة. يعني ايه ؟ هم سابوا سابوا النساء المحرمات في الدنيا. فربنا قال لهم النهاردة انتم وازواجكم. سابت العلاقة - [00:05:24](#)

الشباب المحرم في الدنيا فربنا قال لها النهاردة انتم وازواجكم سابوا المعازف المحرمة في الدنيا. فربنا قال لهم النهاردة تحبرون حفلات البناء العظيمة في الجنة سابوا الطرف في الدنيا. فربنا اداهم النهاردة لكم فيها فواكه كثيرة مما تأمنها تأكلون - [00:05:44](#)

سابوا الاملاك وسابوا تحصيل املاك الدنيا عشان املاك الآخرة. فربنا قال لهم تلك الجنة التي اورثتموها. كل الرحلة المهولة ديت املاككم في الجنة. النهاردة سابوا الطعام والشراب في الدنيا. فربنا قال لهم يطاف عليهم بصحاب من ذهب واكواب - [00:06:04](#)

اكسبوا الشهوات عشان ما يغضبوش ربنا. فربنا النهاردة قال لهم وفيها ما تشتهييه النفس. سابم الزخارف بتاعة الدنيا ربنا قال لهم النهاردة وتلذ الاعين. كل حاجة هتسيبها عشان ربنا النهاردة هتاخديها. كل حاجة هتضحى بها عشان ربنا النهاردة - [00:06:24](#)

تاخدها. انت في الدنيا تعبت عشان توصل لحاجة واحدة بس. ولما وصلت لها خدت كل حاجة وصلنا لارض الافراح يا جماعة وصلنا لارض الافراح. النوم هيبدا يطير من عينين اهل الجنة. النوم هيبدا يطير من من قلوب اهل الجنة. حينما يفاجئوا بمشهد الجنة من

الخارج - [00:06:44](#)

قال رسول الله صلى الله عليه وسلم ما الدنيا في الآخرة ما الدنيا في الجنة ما الدنيا في الآخرة الا كما يضع او احدكم اصبعه في اليم فلينظر بما يرجع. تخيلي حطيتي صابعك في المحيط الاطلنطي. تخيل حطيت صابعك في المحيط الهادي - [00:07:04](#)

خد ايه من المحيط الاطلنطي؟ هو ده الفرق ما بين طعم التفاح في الدنيا وطعم التفاح في الجنة. الفرق ما بين شوية الماية اللي على صابعك وما فيش كان نقطة فيه وما بين كمية الميه بتاعة المحيط الاطلنطي ومحيطات الارض هو الفارق ما بين جمال قصور الدنيا

وجمال قصور الجنة - [00:07:24](#)

الفارق ما بين جمال رجال ونساء الدنيا وجمال رجال ونساء الدنيا. الفارق ما بين الجمال هنا وهنا. ما بين المتعة هنا وهنا. ما بين

الفرحة هنا موهبة ما بين السعادة هنا وهنا. ما بين الملك هنا وهنا. الا كما يضع احدكم اصبعه في اليم فلينظر بما - [00:07:44](#)

بما يرجع هكلكم عن الدار. هكلكم عن الدار اللي ربنا بناها بايديه. مش هاند ميد مش بايدينا الساج باع السجادة بعشرين الف جنيه بعد ما نسجها بايديه لانها هاند ميد. ده الله بيديه اللي بناها. هاكلكم عن الدار اللي الكريم بناها. هاكلكم عن الدار اللي القبر -

[00:08:04](#)

بناها. هكلكم عن الدار اللي ربنا اعداها لسكنى محمد ابن عبدالله. عليه الصلاة والسلام. وموسى وعيسى واولياء الله. والناس اللي ضحوا بعمرهم عشان والناس اللي ضحوا بحياتهم عشان ربنا والناس اللي دموعهم سالت من قلوبهم قبل عيونهم في التلت الاخير من الليل. وهم بين ايدين ربنا - [00:08:24](#)

اكلكم عن الدار اللي ربنا بناها بايديه. عشان يفرح اولياءه. عشان يفرح عباده الصالحين. مش نفسك في يخت من اجمل عشر يخوض في العالم مش نفسك في قصر زي قصر الاميرة فلانة. مش نفسك تعيش في منتجع سياحي زي بتاع الملياردير فلان؟ مش - [00:08:44](#)

نفسك مش نفسك يا جماعة تخيل كده لما يقول لك فلان اتجوز اميرا من الاميرات. يعني مرة قرئت خبر كده في الجرنال فلان آآ تزوج الاميرة فلانة استغربت من الخبر كده هو فيه واحد متجوز اميرة في الجنة انت بتتجوز ملكة من ملوك من ملكات الفردوس الاعلى. يعني في الدنيا واحدة قاعدة قدام الطشت - [00:09:04](#)

كده والطين ورجلها في الطين وبتشرب من الماية اللي انتم عارفينها بتاعتنا دي بتاعة اللي مليانة بالهريسيا. تخيل بقى في الجنة واحدة ترى من انهيار الجنة. واحدة بتاكل من طعام الجنة. واحدة ملكة متوجة في الجنة. تخيل! يعني انت مش هتتجوز في الجنة اميرة. انت مش - [00:09:24](#)

اتجوزي في الجنة امير من الامراء بتوع الخليج اتقدم لك والناس كلها بتبص لك بيج واو ازاى؟ لأ ده انت هتتجوز ملكة من عشان كده يا جماعة ليه قطف العنب اللي النبي عليه الصلاة والسلام كاد يتناوله وهو يصلي قال هيكفي - [00:09:44](#)

اهل الارض الى ان تقوم الساعة لو كان النبي عليه الصلاة والسلام تناوله. لان كل ما ثمرة او حباية فاكهة بتتقطف بيطلع مكانها ايه؟ غيرها. بيطلع مكان فكل ما الناس هتاكل هيطلع مكانها هيطلع غيرها الجنة يا جماعة. ارض الافراح. النوم هيبدا يطير من العينين. مش هتقدر تغمض عينيك - [00:10:04](#)

والله ما تقدر تغمض عينيك. افراح ولا افراح. مين اللي هيسيب الافراح دي كلها وينام؟ وما فيش في الجنة حاجة اسمها اجهاد وتعب ومرهق وعندي آآ شوية فتيق ومش قادر وعازب شوية منشطات وخد له حباية فيتأمين كل يوم الصبح. مهما تنعمت ومهما - [00:10:24](#)

الذبت انت ما بتهبطش ما بتتعفش ما بتحسش انك انت وجهت. مش هتقدر تغمض عينيك. ما فيش نوم في الجنة. ما حدش يقدر ينام في الجنة الا على سبيل التلذذ. ليه يا جماعة؟ لانك تخيل كده بقى وانت داخل على الجنة من برة. تخيلي يا رب كده وانت داخل على الجنة من برة. وبدأت تشم - [00:10:44](#)

ريحة ايه ده! ده كل حاجة فيها بتبخ ريحة. ده كل جدورها. الجدران بتاعتها الارض بتاعتها. انا مش هاقول لك الازهار. مش هاقول لك البرفانات. ده ريحة عرق اهلها مسك. فتخيل الريحة بتاعة الجنة دي من برة ايه! كل حاجة فيها عطر. وتخيل كده لو انت معدي من قدام فندق سبع نجوم - [00:11:04](#)

فتلاقي الفندق كده وانت ماشي جنبه كده تلاقي الازاز فخم اوي وتلاقي الستائر من ورا الازاز شكلها معمول بطريقة يعني اعلامية عالية اوي وتلاقي اللي واقفين بيخدموا قدام الفندق لابسين لبس شيك ولبس يعني ايه يدل على رفاهية الناس اذا كان - [00:11:24](#)

ده المخدو اومال اذا كان ده الخادم اومال المخدوم بقى بيعمل ايه ولا رفاهيته ايه وتلاقي منظر الفندق والاضواء تخيل بقى الجنة من بره شكلها ايه تخيل تخيلي كده الجنة من برة وانت داخلها شكلها ايه؟ اول ما هنشوف الجنة من برة يا جماعة النوم هيطير من عيننا. لان واحنا داخلين الجنة شفت رئيس جمهورية بيستقبل في - [00:11:44](#)

شفت عريس بيستقبل على باب الفندق يوم الزفاف بتاعه. واحنا داخلين على باب الجنة فيه ثلاث انواع من الاستقبال. اول ناس بيدخلوا الجنة سبعين ايديهم في ايدين بعض كدهو متماسكون. ده دول البشوات. ده دول اللي وجوههم كالقمر ليلة البدر. والجنة فاضية - [00:12:04](#)

هم لسة اول ناس بيقصوا الشريط بتاعها وداخلين مع الانبياء والمرسلين. بعد كده بيبجي الفوج الثاني. الفوج الثاني ده عموم الناس

بقى. عموم البشر فملايين مملينة ومليارات مبليرة فتكتظ الجنة بعمارها وسكانها. وبعد كده الفوج الثالث - 00:12:24

الناس اللي اتعطلت على الصراط وقعت من على الصراط في النار. او اتعطلت على الصراط عطلة شديدة. او اتعطلت على القنطرة والمحاسبة على حقوق العباد. الناس دي بقى تبدأ تخرج يكون كل اهل الجنة دخلوا الجنة. فيلاقوا الجنة من برة فاضية بس لما ببصوا من جوة هيلاقوها قزیز من الزحام - 00:12:44

وهم لا يدرون ان اقل واحد فيهم هياخد قدر خمسين ملك من اعظم ملوك الدنيا. يعني ايه قدر خمسين ملك؟ يعني قد الكرة الارضية مية وخمسين مرة. يعني الملك بتاعهم قد القارات السبعة خمسين مرة. خمسين في سبع قارات بكم؟ ها؟ بكم؟ خمسين في سبعة بكام يا رجالة اللي - 00:13:04

بيعرف يحسب يوم تلتمية وخمسين خمسين في سبعة. تلتمية وخمسين تلتمية وخمسين قارة. تلتمية وخمسين قارة كل قارة فيها من النعيم مما لا يدركه بشر. تخيلوا انتم بقى يبقى النعيم بتاع دول قد ايه؟ سبحان الله العظيم! اول ما تدخل الجنة وتحطي عينك على المناظر اللي فيها - 00:13:24

اول حاجة هتخطف قلبك ذوات افنان. هتنام فين يا ابني؟ ذوات فنون. اللوان بتاعة الجنة. اللوان بتاعة الارض. الجراوند اللي تحت رجليهم تخليكي حاسة انك ماشية تحت رجليك السما. عارفين واحد ماشي وتحت رجليه السما بالنجوم اللي فيها. ده منزر اللوان بتاعة الارض بس - 00:13:44

اللوان بتاعة شجرة واحدة الساق ذهب يا ترى لونها ايه؟ ورق الشجر كل ورقة لون عصافير الجنة يا ترى الوانها ايه؟ يا ترى تغريدها شكله ايه؟ يا ترى شكل اللوان نفسها بتاع الجنة ايه؟ يا شباب يا رجالة لو كان من قال سبحان الله وبحمده مائة مرة - 00:14:04 اخز ميت الف جنيه. كان البشر عملوا ايه؟ لو كان من قال سبحان الله والحمد لله ولا اله الا الله والله اكبر. ميت مرة خد اشتراك في النبي عشر سنين مجاني كانت الناس عملت ايه؟ لو كان من قال لا اله الا الله وحده لا شريك له ميت مرة خد عربية بي ام كانت الناس - 00:14:24

زكر في قلوبها بقى شكله ايه؟ لو كان يا جماعة العطاءات بتاعة عبادة ربنا عطاءات دنيوية. كانت الناس ما بطلتش عبادة. كانت الناس وصلت الليل بالنهار في عبادة ولكن لانها عطوات اخروية. مش قادرين نعيش بالتصديق لهذا الكلام. مش قادرين نعيش باليقين. مصدقة الكلام اللي انا باقوله. مصدق الكلام اللي - 00:14:44

هنا بيقلولوا مصدقين الكلام ده. بنتلقاه في قلوبنا بالتصديق. الدرس الجاي ان شاء الله بازن الله. هنتكلم عن نقطة واحدة بس. اللي لقوا الكلام ده عملوا ايه؟ اللي صدقوا الكلام ده ضحوا بايه؟ اللي صدقوا الكلام ده عشان نعرف احنا على الطريق ولا ما احناش على الطريق - 00:15:04

احنا على الطريق للكلام ده. انت على الطريق للنعيم اللي انا بوصفه الوقت ده. انت الوقتي لو مت ايه العمل الصالح اللي انت تاخدي به النعيم ده انت الوقتي لو مت ما فيش زنب انت عملته. ولسه مستمر عليه. ممكن تتحرم بسببه من النعيم ده. يا اخوانا فكروا. يا اخوانا - 00:15:24

والعصر ان الانسان لفي خسر. المعزم في الآخر بيخسر الجنة. المعزم في الآخر بيخسر الكلام ده للأسف مش لان الكلام ده صعب. مش لان جنة صعبة لان هو ما كانش راضي يركز ما كانش راضي يصدق. بعد كده مضى عهد النووي. بعد كده مش هتقدر تغمض عينيك - 00:15:44

بعد كده تعالوا نبدأ ندخل الجنة يا جماعة. نبدأ ندخل الافراح بتاعة الجنة. نبدأ ندخل النعيم بتاع الجنة. نبدأ ندخل انت متخيل كده اول حاجة تدخل عليها في الجنة اللوان الرهيبة بتاعتها ديت. الدنيا كلها سبع الوان امال الجنة كم لون؟ امال وبعد كده لما تشوف المساكن بتاعتها - 00:16:04

انت نفسك تسكن فين؟ نفسك تسكن في في الاحرام ولا في المعادي؟ ولا في الجيزة ولا في المنصورة ولا في قرية. عايز الشقة بتاعتك بحري ولا قبلي؟ عايز الشقة بتاعتك مساحتي - 00:16:24

قد ايه كل حاجة لها تمن يا حبيبي. عايز تسكن في حي الاشجار غير انك انت تسكن في نفر هيلز غير انك انت تسكن في كل حاجة لها تمن. جنينة الفيلا بتاعتك هي فيلا ولا شقة ولا قصر لها تمن بحري ولا قبلي لها تمن. مستوى التشطيب له تمن - [00:16:34](#)
كل حاجة لها تمن. كذلك الجنة عايز تسكن في قصور ولا في غرف ولا في بيوت عايز تسكن في ايه؟ عايز الجنان بتاعة قصر ك في الجنة تبقى ايه؟ عايزها تبقى على - [00:16:54](#)

الكوتر لها تمن. عايزها تبقى في جنات عدن لها تمن. عايزها في جنات الريان لها تمن. كله بتمنه يا جماعة. كله بتمنه يا اخوانا. اللي عايز احصد بكرة لازم يزرع النهاردة لازم يقرب من ربنا سبحانه وتعالى النهاردة بعد كده الحفلة بتسلمك لحفلة الحفلة اللي بعد كده يا جماعة - [00:17:04](#)

حفلة الزفاف يعني ايه حفلة الزفاف بقى؟ حفلة الزفاف دي يعني ما انتش هتدخل الجنة بايدك فاضية. ما فيش حد بيدخل الجنة سنجل يا جماعة. ما حدش بيدخل الجنة غير وهو معه - [00:17:24](#)
الايه؟ الانتم بتاعه دي بقى صاحبه لأ. يعني ها الاخت يعني الزوجة يعني ما فيش واحدة بتدخل ادخل الجنة كده وبعد كده يدور ما فيش في الجنة عنوسة. ما فيش في الجنة واحد ما هواش عارف يتجوز. من على باب الجنة ببدا الجواز. من على باب الجنة - [00:17:34](#)

بس الجوازة سوبر بقى مش جوازة اي كلام. عارفين اللي قاعد مع مراته فيقول لها انت النهاردة حلوة كده ليه؟ قالت له هو انا كنت قبل كده وحشة الا يا بنتي مش قصدي والله. بس افهميني. قالت له هو انا ما بافهمش؟ قال لها لأه بس اديني فرصة اقول لك - [00:17:54](#)

قالت له هو انت قصدك ان انا رغبة وما بطلش كلام! قال لها يا بنتي اسمعيني! قالت له هو انا طرشة! قام قايم رامي نفسه. من على كوبري قالت له كمان بتسييني وكمان سايبني لوحدي! فاحنا ففيه ناس الجوازا اللي في الدنيا جوازا صعبة يا جماعة! كلها مشاكل - [00:18:14](#)

وانت داخل الجنة بقى جوازة صفر بقى جوازة بحق وحقيقي بقى. وانت داخل الجنة جوازة بقى لا انت خايضة احسن يطلع بخيل. ولا انت خايف احسن يطلع كل الجمال بتاعها ده مكياج وخلاص ولا انت خايضة ما فيش يا جماعة جوازة بحق وحقيق. بعد كده لما نبدأ ندخل الجنة كل - [00:18:34](#)

ايه ده نعيم البدن ولكن فيه في الجنة نعيم اعظم من اي نعيم بدن؟ نعيم الروح في حفلات للارواح. قال رسول الله صلى الله عليه وسلم ان الله ينادي يا اهل الجنة. تخيلوا كده واهل - [00:18:54](#)

بيجروا في النعيم وفجأ وفجأة يسمعون صوت الملك. يا اهل الجنة. الله اكبر! فيقولون لبيك وسعديك والخير في يديك. فيقول يا اهل الجنة هل رضيتم؟ راضين مبسوطين مبسوطة فرحان سعيد من قلبك. بتتحكي من قلبك. راضي عن ربنا. راضي باللي ربنا - [00:19:14](#)

فيقولون يا رب وما لنا لا نرضى! يا رب احنا! بعد كل ده يا رب! انت بتسألنا احنا راضيين ولا مش راضيين! وما لنا لا نرضى فيقول افلا اعطيكم افضل من ذلك! الله اكبر! افضل من كده يا رب! هو فيه افضل من كده! هو فيه - [00:19:44](#)

الانسان والافق بتاعه. عارفين ام بيل كلينتون لما مسك الحكم قالت لهم انا عايزة اموت. قالت لهم ما فيش في الوجود اعظم من ان ابني بقى رئيس امريكا هو البني ادم واي شيء افضل من ذلك يا رب؟ فيقول احل عليكم رضواني فلا اسخط - [00:20:04](#)
وعليكم بعده ابدًا. هتعيشي وربنا راضي عنك. احساس ان ربنا راضي عمك الاحساس اللي عمرنا كله في سبيل ان احنا نوصل له. بعد كده ينادي الله يا اهل الجنة. فيقولون لبيك وسعديك - [00:20:24](#)

فيقول تريدون شيئا ازيدكم؟ عايزين حاجة تزيد ايه يا رب؟ هو فوق اللي احنا فيه ده زيادة؟ فيقولون يا رب الم تدخلنا الجنة؟ الم تنجيننا من النار؟ الم تبيض وجوهنا؟ يا رب هو فيه حاجة فوق كل ده! في كشف لهم الحجاب - [00:20:44](#)
شف لهم الحجاب حجاب النور فما اعطوا شيئا احب اليهم من النظر الى وجه الله. الله اكبر افراح الروح بقى يا جماعة افراح روح

حفلات الروح بقى يا اخوانا وهم ينظرون الى وجه الله سبحانه وتعالى في - 00:21:04

وقاعدين يتنعموا ما بين النعيم الرهيب ده. كله في الجنة. ازاي انسان ينام؟ ازاي انسان ينام؟ احنا عايزين نفهم النهاردة. عايزين نفهم الليلة ليه اهل الجنة ما بيناموش؟ اللي على سبيل التلذذ. عايزين نفهم يعني ايه بني ادم ما بينامش؟ يعني ايه انسان ما عندوش وقت ينام الفرحة؟ ويناموا ليه؟ - 00:21:24

ايه وهم من فرحة لفرحة ومن سعادة لسعادة ومن بهجة لبهجة ومن حفلة لحفلة. عايزين نبدأ نتخيل يا جماعة هي الجنة دي فيها ايه؟ هي الجنة دي درجة النعيم اللي فيها ايه؟ اول ما تدخل القصر بتاعك كده وتعمل حفلة كده لمجموعة من اصحابك او تعملي حفلة لمجموعة من - 00:21:44

ربنا سبحانه وتعالى في سورة الطور بيصور حفلة. حفلة من الحفلات. ولكن تعالوا نشوف كمية المفاجآت اللي في هزه الحفلة. تعالوا نشوف التطور الدرامي بتاع الافراح بتاع هذه الحفلة. ان المتقين في جنات. دخلوا بقى بشوات. في جنات ونعيم - 00:22:04 فاكهين بما اتاهم ربهم. اهم قاعدين اهمت في حفلة جميلة. صغيرة كده في الجنة. كل واحد جايب نوع من انواع الاكل. ما فيش حد تخيله في الدنيا قبل كده وقاعدين مع بعض في جونية قصر واحد منهم قاعدين مجموعة من الملوك بقى فرحانين ببعض وبيتكلموا مع بعض وبيتذكروا بقى - 00:22:24

ربنا غفر لهم وكتب لهم النعيم العظيم ده كله فاكهين بما اتاهم ربهم. شوفوا ربنا ادانا ايه ووقاهم ربهم عذاب الجحيم وفجأة كلوا واشربوا هنيئا بما كنتم بتمتعوا دول مين دول؟ دا دول ناس جايين زيادة على المشهد الملايكة سمعت بالجو الجميل دا - 00:22:44 والجو الممتع ده والحفلة العظيمة دي الملايكة كمان جاية. والملايكة جاية بالاتحافات بتاعتها بالعطاءات بتاعتها. والملايكة داخله فرحانة بتقول لهم كلوا واشربوا افرحوا اتبسظوا. هنيئا بما كنتم تعملون. متكنين على سرر مصفوفة. السرر يعني العروش -

00:23:04

يعني كل واحد فيهم قاعد على عرش. يعني مجموعة من الملوك وقاعدين مع بعض. سرر مصفوفة ليه؟ لان في الدنيا ما كانوش بيقدروا بسبب الجهاد في سبيل الله يعيشوا مع - 00:23:24 النبي عليه الصلاة والسلام يروح غزوة بدر يرجع من غير سعد ابن خيثمة. يروح غزوة احد. يرجع من غير حمزة وعبدالله بن جحش ومصعب ابن عمير. يروح غزوة الاحزاب يرجع من غير سعد ابن معاذ. النبي عليه الصلاة والسلام الصحابة ما كانوش بيقدروا يتقابلوا مع بعض. اهل الحق ما بيقدروش يجتمعوا. لان الباطل - 00:23:34

بيفضل يحارب فيهم وبيفضلوا يقدموا دمهم وحياتهم لدين ربنا. فالنهارده ربنا بيقول لهم هتجتمعوا مع بعض. الجو الجميل اللي في الجنة ده هتعيشوه مع بعض وزوجناهم بحور عين. الله اكبر! فجأة كل واحد يلاقي مراته داخله عليه. كمان الحفلة بقت حفلة اسرية يا جماعة - 00:23:54

ما عادتتش الحفلة على قد اصحاب ببعض. طب وهي ينفع مراتي تيجي تزورني قدام اصحابي! هو ينفع الجنة ما فيش فيها اختلاط محرم يا جماعة! الجنة ما عدش فيها شهوات. ما فيش امرأة بتشتهي حد غير زوجها. ما فيش واحد بيشتهي واحدة غير اه غير زوجته. فيهن قاصرات الطرف. يعني واحدة - 00:24:14

ما بتفكرش في راجل غيرك. وقاصرات الطرف يعني واحدة من جمالها خلتك ما تفكرش في واحدة غيرها. وقاصرات الطرف يعني واحدة من جمالها ما عادتتش محتاجة انها تبص لغيرها. شف البنت دي شعرها شكله ايه! والبنت دي جميلة كده ليه؟ لاه ده هي نفسها وصلت من - 00:24:34

كمال ان ما عادتتش محتاجة انها تبص لغيرها وتشوف جمال غيرها وتحاول تقلد وتحاول تقلد غيرها وزوجناهم بحور عين كل واحد زوجته تدخل عليه. والذين امنوا واتبعتهم ذريتهم بايمان. الحقنا بهم ذريتهم. وفي وسط الحفلة فجأة تلاقي كل واحد - 00:24:54 ولاده وحبايبه داخلين عليه. هو ايه يا جماعة ده! ايه الجو المهول ده! ايه الحياة المبهرة دي! ده الحفلة بدأت صغيرة في الاول. قاعدة تكبر ولسه وامدناهم بفاكهة ولحم مما يشتهون مدد من عند ربنا كمان. يعني هم جايين معهم اكلهم وشربهم. والملايكة دخلت -

المتحفات بتاعتهم وبعد كده ربنا بعت لهم اصناف لم يروحوا في الجنة من قبل. ده من عند ربنا بقى. ده رسل خاصة من عند ربنا جايبة لهم امددناهم ولحم مما يشتهون يتنازعون فيها كأسا يتنازعون. هو بعد كل الاكل والشرب ده ده يخطف ويطلع يجري. وده يوم

00:25:34 -

منه وواحد بوقين يقوم ده واخدها من على بقة هو فيه ايه يا جماعة! هو الجنة ده المفروض الجنة فيها وفرة. جو التجدد الرهيب. جو البهجة جو الاثارة الحفلة سخنت يا جماعة. الحفلة وصلت لقمة السخونية بتاعتها. جو الحب المتبادل والاندماج. اهل الجنة داخلين في دم بعض الناس - 00:25:54

الحب اهل الجنة في قمة الانسجام مع بعض من الحب يتنازعون فيها كأسا لا لغو فيها ولا تأثيم ويطوف غلمان لهم كأنهم لؤلؤ مكنون. يطوف علينا يعني ايه يطوف عليهم؟ يطوف يعني رايح جاي رايح جاي رايح جاي. رايح جاي بايه؟ بالعطاءات. رايح جاي -

00:26:14

جاي بايه؟ بالاصناف. رايح جاي بايه؟ انواع المأكولات والمشروبات. رايح جاي بايه؟ بكل حاجة تبسطهم وتزيد الانبساط اللي هم فيه. يعني ده ده ملمح كمان جديد عشان كده في الاخر فاقبل بعضهم على بعض يتساءلون بايه بالدرس اللي احنا كنا ساعات نحضره -

00:26:34

قيام الليل اللي احنا كنا بنقف بين ايدين ربنا نبيكي فيه. بالصيام الاثنين والخميس. اللي كنا صايمين الخميس بتاع امبارح ده فيه. بايه يا رب دي ايه بطلب العلم ايه يعني زاكنا المكتبيين بالدعوة الى الله يعني اتكلما عن ربنا مرتين بجلستين ضحى - 00:26:54

ايه يا رب! بايه يا رب! بكل ده! واقبل بعضهم على بعض يتسائلون الحفلة دي تشتريها بكم! الحفلة عشان تبقى مدعوم المدعون فيها تشتريها بكام؟ الحفلة دي فيه ديش بارتي في الحياة امتع من كده؟ فيه حفيف الشباب عملوه اجمل من كده - 00:27:14

في حفلة شوي في الدنيا اجمل من كده. انا عايزك تتخيل معي اول ما اهل الجنة يدخلوا. اول حدس اجتماع بيحصل في الجنة ايه اصل الجنة دي حياة جميلة اوي يا جماعة. الجنة دي مش نعيم. يعني الجنة مش مش شوية خضرة وماية ولا قصر جميل وواحد قاعد بقى في بلكونة القصر. يتأمل في الطبيعة - 00:27:34

الجنة دي حياة. الجنة دي حياة اجتماعية باهرة. اول ما بيدخل اهل الجنة الجنة اول حفلة بتتعمل لهم بيتشتايم. عارفين حفلة ساحلية. حفلة على الشواطى وهم بياكلوا زيادة كبد ايه؟ الحوت يبقى اول حاجة بيروحوها سواحل الجنة. تعالوا بقى - 00:27:54
بعد ايه يوم القيامة والحر بتاعه يوم القيامة تعالوا بقى في منتجع سياحي كده تبع الجنة. يتلم اهل الجنة كلهم. واهل الجنة يتعمل لهم يعني حفلة بحرية حفلة جميلة زيادة كبد الحوت بيتشتايم ده ده البداية ده انا اول حفلة اول حفلة بتتعمل حاجة تنحر لهم -

00:28:14

الثور الذي يأكل من اطراف الجنة. فيه فرق ان انا اجيب لك طبق لحم مشوية آآ او طبق حمام مشوي بالكاجو مسلا او طبق اي حاجة كده ان انا اجيب لك طبق مشويات وان انا لا ده انا لسة هجيب اللحمه وهجهزها واشويها هجيب اللحمه واجهزها واشويها دي بيسموها ايه بقى - 00:28:34

بيسموها ايه بقى؟ هو ايه ده يا اخويا؟ حفلة شوقي. حفلة شوقي يا ابني انتم جايين مينين يا ابني؟ انتم جايين من المنصورة! ايه يا عم فين انت وهو! حفلة شوي يا حبيبي. الفرق بين حفلة الشوي وعزومة المشويات ايه؟ ان المشويات. عزومة

المشوي - 00:28:54

بنقعد يكون محطوط الاكل على التراييزة ناكل. حفلة الشوي ده احنا قاعدين بمزاج بقى. ده النبي مش بيقول لك يأكلون من الثور الذي على اطراف ينحر لهم ده من بداية دي حفلة شوي. ده اوبن باربكيو. ده حفلات اجتماعية. امال اهل الاعراف يا عيني! كدهم هيتقطع. وهم قاعدين - 00:29:14

اتوصلوا لربنا يدخلهم الجنة لما يشوفوا نعيم اهل الجنة في اول يوم ليه؟ ما هم شايفين نعيم اجتماعي مبهر. نعيم مذهل يا جماعة.

اهل الجنة وهم عايشين في هذه الافراح. ممكن واحد يقول لي يعني ايه منتجات سياحية؟ الجنة مليانة منتجات سياحية. وعلى فكرة في منتجات سياحية وفي - [00:29:34](#)

الفردوس الاعلى غير عموم اهل الجنة. يعني شجر التوبة. شجر التوبة ديت مساحة الضل بتاعها قد ايه؟ ها؟ مساحة الضل بتاعها قد ايه ميت سنة لا متين سنة. لان يسير الراكب على الجواد المضمر. في ظلها مائة عام فما يقطعها - [00:29:54](#)
ميت سنة من الساق لحد الطرف. يبقى ده بيسموه نص القطر في الرياضة. مش القطر كله. طب يا عم خليها مية سنة. مية سنة. هو سرعة الجواد ده جواد من - [00:30:14](#)

من من اجودة الدنيا ولا الآخرة؟ حصان من بتوع الدنيا ولا الآخرة؟ هي شجرة في الجنة حصان من بتوع الجنة. طب سرعته قد ايه؟ طب يا عم خليها سرعة عربية في الدنيا - [00:30:24](#)
ماشية بمتين كيلو متر في الساعة. وبتلف حوالين الكرة الارضية من نص القطر اللي عند خط الاستواء. اربعين الف كيلو متر. في متين كيلو متر في الساعة هتقطع الكرة الارضية على ارض متسفلتة في تمان تيام. لو متواصل بلا توقف. طب هات الحساب ده واحسب لي لو - [00:30:34](#)

الحصان بتاع الجنة بيمشي بسرعة عربية الدنيا ده ايه ويبقطع متين كيلو متر في الساعة. عارفين يبقى نص قطر شجر التوبة قد ايه؟ اربع الاف وخمسميت ضعف مساحة اربع تلاف وخمسميت ضعف قطر الكرة الارضية. اربع تلاف وخمسمية ضعف - [00:30:54](#)
الكرة الارضية ده ده نص القطر بتاع شجر الطوبة بس. يعني منتج اجتماعي ونادي اجتماعي باهر. يجتمع تحته ملايين ومليانة. بل كل اهل الجنة من اولهم لاخرهم يجتمعوا في هذا المكان. من ضمن المنتجات السياحية. الباهرة في الجنة. من ضمن المجتمعات - [00:31:14](#)

المنتجات السياحية الخطرة في الجنة ضفاف نهر الكوثر يا جماعة. ضفاف نهر الكوثر يا اخواني. عارفين يعني ايه ضفاف نهر الكوثر؟ النبي عليه الصلاة والسلام وهو بيوصف دار الكوثر بيقول - [00:31:34](#)
حفاته قدام اللؤلؤ المجوف. يعني عارفين النيل دلوقتي هنا في المنصورة تلاقي على يمينه كده عاملين ايه؟ عاملين قعدات كده عشان عشان الناس تقعد هو المفروض الناس عموما الناس تقعد بس اللي بيقد فيها الحبيبة. بس المفروض ان عموم الناس تقعد. ليه؟ لانها مكان كده ولوحدهم كده وايه - [00:31:44](#)

فالزبط كده النبي عليه الصلاة والسلام ربنا جعل له نهر الكوثر بين الضفتين قباب قباب كل قبة واحد ومراته يقعدوا فيها في الجنة تقعد فيها. عشان ضفاف نهر الكوثر بتاع النبي عليه الصلاة والسلام. يستضيف النبي فيه الامة كلها. وكمان على ضفاف - [00:32:04](#)

الكوثر الحور العين تغني. يعني كأنه منتج سياحي ما لوش حل. على ضفاف نهر الكوثر. الجنة مش التصور اللي احنا متصورينه يا جماعة. شباب كتير اوي وناس كتير اوي عشان تعيش حياة اجتماعية جميلة وعشان يروح يعمل حفلات ويروح يعمل طلعات ويروح يعمل مش - [00:32:24](#)

عارف عايزين نروح فين النهاردة وعايزين نروح ساحل ايه النهاردة يقوم يسبب الالتزام. والنهاية تلاقي شاب حب بنت ما رضتش تتجوزه ينتحر. مش عارف مين محبة شاب ما رضاش يتجوزها تنتحر. في النهاية الدنيا بيبقى نهايتها ايه؟ انما تعال شف الحياة الاجتماعية اللي جوة الجنة. تعال شف ربنا بيوصف وصف في صورة - [00:32:44](#)

الغاشية سبحانه وتعالى بيقول لك وجوه يومئذ ناعمة لسعيها راضية في جنة عالية لا تسمع فيها لاغية. اسمع بقى فيها عين جارية. العين الجارية ديت يعني قعدة خلوية. يعني تخيل بقى قاعدين مع بعض كده قاعدة - [00:33:04](#)

سويا فيها عين جارية. فيها سرر مرفوعة. ده دي قعدة عاطفية بقى مش قعدة خلوية. واكواب موضوعة مجموعة شباب داخلين نادي مع بعض ولو كنزات محطوط على الترابيزة بتاعتهم قبل ما ييجوا. وكوبايات العصير محطوة قبل ما ييجوا. ده قعدة شبابي بقى. فيها عين جارية - [00:33:24](#)

قعدة خلوي قعدة خلوية نزهة خلوية. فيها سرر مرفوعة قاعدة عاطفية ما بين واحد وحبيبته واكواب موضوعة قاعدة شبابية ونمارق مصفوفة. النمارك زي الشلت كده اللي هي القعدة العربي. قاعدة عربي بقى. تعال بقى نشوي كده في قعدة عربي. وزرابي -
00:33:44

مبثوثة سجاجيد مفروشة في كل مكان. ده دي بقى قعدة بري قعدة ساحلي. يعني الجنة فيها جميع انواع القعدات الجماعية اجتماعيا غير حفلات الغناء اللي في الجنة. حفلات الغناء تحضرون. الحضور حفلات المعازف. غير حفلات الغناء اللي في الجنة. غير المناسبات -
00:34:04

الجنة فيها عيد كل اسبوع. كل يوم جمعة عيد مش عيد كل سنة. زي في الدنيا. عيد كل اسبوع كل يوم جمعة عيد غير يا جماعة ان الناس ما فيش بينها وبين بعضها غل. ما فيش نفعا ما في صدورهم من غل. ما فيش ازواج مطهرة ما فيش واحدة بتغير من الثانية -
00:34:24

ما فيش واحدة بتغير من حور العين او واحدة من الحور العين بتغير من واحدة. او واحد بيغير من واحد. ما فيش تطهير مادي ومعنوي. لما ربنا قال قاصرات الطرف ما فيش - 00:34:44

ما فيش واحدة بتبص لواحدة. ما فيش واحد يبص لواحدة غير مراته. ارض طاهرة نفسيا. ارض فيها طهارة. ربنا يقول لك عربا تراب قال لك اطربا يعني متآخيات. يعني الستات بتوعها بيحبوا بعض. ربنا يقول لك اخوانا على سرر متقابلين. يعني الرجالة بتوعها من ضمن - 00:34:54

نعيم الجنة نعيم الاخوة. الرجالة بيحبوا بعض. يعني ارض كلها نعيم. ارض كلها افراح. ارض كلها صفاء. بتضم النعيم اللي موجود في الجنة من ضمن النعيم اللي في الجنة نعيم المساكن يا جماعة. يعني ايه نعيم المساكن؟ يعني حديس يزلزل القلب. النبي عليه الصلاة والسلام لما رأى - 00:35:14

رؤية فيقول فرأيت مسل السحابة. الحديس ده غريب اوي يا جماعة. يعني من اكثر الاحاديث اللي بهرت الواحد بنعيم الجنة. وبروعة الجنة هو فيه كده! هو يعني عجائب الدنيا سبعة! امال عجائب الجنة ايه بقى! الحديس ده جايب لك عجيبة من عجائب الدنيا! وما هياش بالوصف ده اصلا - 00:35:34

من اعجب سبع حاجات في تاريخ الدنيا. فالنبي عليه الصلاة والسلام بيقول لك رأيت مسل السحابة. فليل لي انظر فبابص كده النبي عليه الصلاة والسلام ده سحابة فقيرة الى هذا قصرك. هذا منزلك سحابة يعني انا مش متخيل ايه القصر اللي زي السحابة ده وما لوش عواميد مسبتاه في - 00:35:54

ارض ده ايه ده مبني ازاى ده؟ معمول ازاى ده؟ اللي يسكن في سحابة ده يبقى ده دي في الاغاني العاطفية بس سمعناها. ان انا عايز اعيش في سحابة - 00:36:14

وعايز اعمل واروح فوق السحاب. انما القصر نفسه سحابة. فالنبي قالها يعني دعوني ادخل منزلي. طب انا عايز ادخل النبي عليه الصلاة والسلام تلهف انه يدخل فقالوا انه قد بقي لك عمر. فان انتهى دخلته. لا ما ينفعش. انت لسه من اهل الدنيا. ما ينفعش انك انت تدخل. قلت سبحان - 00:36:24

سبحان الله يا جماعة. حداثق بابل المعلقة لا معلقة ولا حاجة. انما تخيل دي قصور معلقة بحق وحقيقي. هي قصور الفردوس الاعلى بالمنزر ده. هي الجنة فيها قصور بالمنزر ده. غير يعني يعني كل حاجة من مساكن الجنة لها تمن. زي ما قلنا انت عايز تسكن في شقة ايه قبلي ولا بكل حاجة لا - 00:36:44

غير نعيم الطعام والشراب ربنا بيقول لك فواكه وهم مكرمون. يعني ايه وهم مكرمون؟ يعني ادي وجبة الوجبة دي هي نفس الوجبة دي. الوجبة دي فراخ ومكرونه والوجبة دي فراخ ومكرونه. ولكن ديت انا هقدمها لك في البيت - 00:37:04

وديت انا هجيب مطعم في شكل سفينة او في شكل يختفي في النيل وهجيب عشرين واحد لابسين يونيفورم جميل واقفين يخدموك. واتفضل يا باشا وحضرتك يا باشا وهجيب لك مكان كل حاجة مفروشة فيه فخمة جدا. واحط لك الاكل في اطباق في غاية

ففي النهاية الوجبة دي في بيتك هتتكلف خمسين جنيه. ولكن في الفندق او في المطعم اللي بالمنزر ده ممكن تدفع لك فيها خمسمية جنيه. ليه؟ عشان وهم مكرمون عشان جو الاكرام. عشان جو الاكرام اللي في هذا النعيم فواكه. العشاء - 00:37:44

فواكه وهم مكرمون. اصل انا عايز ادخل في حاجة بقى لو دخلنا فيها مش هنقف يا جماعة دلوقتي. انا عايز ادخل بقى في الجواز في الجنة. انا انا عايز ادخل بقى اللي اللي مش متجوز يرفع ايده يا رجالة. ما شاء الله لا قوة الا بالله. الله اكبر ولله الحمد. ده انتم تعملوا سورة جديدة يا ابني. ايه ده - 00:38:04

كل دول مش متجوزين. يا عيني يا ابني والله. ابشروا ابشروا ان شاء الله بازن الله. هتتجوزوا. فنتكلم عن الزواج في الجنة عن الجوازة السوبر بقى بتاعة الجنة بس بعد ما الاذان يدن ان شاء الله بازن الله. السلام عليكم ورحمة الله وبركاته. انا بقول نخلص بقى ومش مهم بقى نكمل المرة دي - 00:38:24

بلا جواز بلا بتاع يا عم. يعني هو ايه المشكلة يعني لو الجنة من غير جواز يعني؟ هتفرق ايه يعني؟ يعني كده مش هتعرف تغمض عينيك وكده مش هتعرف غمض عينيك. بس يا سيدي. زي ما باقول لك كده. نعيم نعيم الزواج في الجنة او فرحة الجواز في الجنة - 00:38:44

احنا قاعدين نحاول نتكلم ليه مش هتقدر تغمض عينيك؟ ليه ما انتاش هتقدر تنام؟ ما انتاش عارف تنام لايه؟ ما انتاش عارف تنام من كتر نعيم ليه؟ ارض الافراح اللي في الجنة دي شكلها ايه؟ بعد خمسين الف سنة يوم القيامة داخل الجنة ما انتاش عايز حتى تريح ليه؟ ايه النعيم اللي ببطيب - 00:39:04

النوم من العين ومن القلب. تخيل كده وصف العريس ووصف العروسة. تخيلوا كده وصف العريس وصف العروسة. وكثير من النساء لما بتيجي تتكلم تقول لك هو نعيم المرأة في الجنة ايه؟ هي الست في الجنة بتاخذ ايه يا بنتي انت بتاخلي في الجنة! يا بنتي يا بختكم! ده انتم ده انتم اللي واخدينه في - 00:39:24

والجنة يعني انتم يعني ربنا يحفظكم يعني. يلا ما شاء الله. يلا ربنا يبارك لكم. انت المرأة في الجنة انت في الجنة عروسة كل يوم. عروسة كل يوم على الارائك الاريكا دي كوشة فرح انت عروسة كل يوم. انت في الجنة ملكة بحق وحقيقي. عندك املاكك. انت في الجنة مليارديرة - 00:39:44

علي والمجوهرات بتاعتك الاطعم والموديلات بتاعتك لوحدها انت في الجنة مليارديرة. انت في الجنة هانم. يعني انت في الجنة هانم؟ يعني شوبينج في السوق بتاع الجمعة ما بين الشوبينج بتاع سوق الجمعة غير انك انت في الجنة ما فيش مرمطة. تعالي يا بنتي ياللا تطبخي لنا النهاردة ايه وهتعلمي لنا النهاردة ايه - 00:40:04

وبعد ما جوزك ياكل يلا قومي اغسلي المواعين وانت متبهدة وغيري للولا وزاكري للبيت. انت في الجنة هانم. كل حاجة دليفري. الاكل كله من اوله لاخره دليفري غير ان انت في الجنة الجمال بتاعك جمال رباني. يعني ما فيش جمال صناعي. يعني ما انتيش خايفة تتخني. يعني ما انتيش مضطرية تعملي رجييم - 00:40:24

يعني ما انتيش مضطرية تخربي بيت جوزك كريمات ومساحيق وقصص وحكايات. معدي من شوية كده من فترة كده قدام تم اعلان مركز تجميل فلقيته يعني بيخاطبوا الستات الستات دول مخهم كبير اوي يا جماعة. فبيخاطبوا الستات فييقولوا انواع الحاجات اللي بيعملوها لهم. فكاتبين - 00:40:44

مسلا مش عارف بقى مش عارف فرض الشعر مش عارف ايه. فمن ضمن الحاجات لقيت كلمة غريبة اوي. صنفرة. بيعملوا صنفرة انا قعدت ابص على يعني ايه صنفرة؟ فتخلي في الجنة صنفرة رباني ما شاء الله ايا ما كان موضوع - 00:41:04

الصنفرة ما انتيش محتاجة تتسنفري ولا حاجة. الجنة انت انت بتتجوز واحدة يعني صنفرة رباني وبتتجوز واحدة الرباني وبتجوز واحدة ملكة وواحدة مليارديرة تتجوز عروسة بحق وحقيقي. يعني ده دي زوجتك في الجنة وده انت في الجنة. غير ان انت في الجنة اللي - 00:41:24

ما تقولي لي بقى فروديت ولا فينوس ولا آآ ولا اي واحدة من رموز الجمال في تاريخ البشرية. انت انت شباب على طول انت جمال على طول ربنا بيقول كانهن الياقوت والمرجان. يعني انت عارف يعني ايه كانهن الياقوت؟ الياقوت والمرجان ده كلها الوان على الوان على - 00:41:44

يعني واحدة تبص لها يتقال لك انها مجموعة احجار كريمة اتجمعت مع بعض. من الصفاء بتاعها. من لون كل حاجة فيها يديها لك انت قدام احجار كريمة. يعني متخيل مراتك ده دي العروسة. احنا بنتكلم دلوقتي على العروسة. يعني العروسة ربنا يقول كامثال اللؤلؤ المكنون - 00:42:04

يعني ايه الف صفاء ده! ايه الجمال ده! طبعا باعتبار ان تسعين في المية من الدرس شباب مش متجوزا فيعني رحمة باللي مش متجوزين يا جماعة واللي من اللي متجوزين برضه فاحنا مش هنتكلم يعني احنا ايه احنا يعني جمال لما ربنا يقول لك حور عين والله يا اخوانا كلمة حور دي في اللغة لو - 00:42:24

قعدت اقول لكم على الكلمة دي بس يعني ايه حور؟ يعني ايه كلمة حور دي دلالة على عينيها شكلها ايه؟ على ملامحها كلها شكلها ايه؟ على يعني يعني واحدة حلوة قوي وخلص. حور نعيم شدة جمال العينين. شدة سحر العينين. قاصرات الطرف عين. ان العيون التي - 00:42:44

في طرفها حور قتلنا ثم لم يحيينا قتلانا. يصرعن ذا اللب حتى لا حراك به. وهن اضعف خلق الله في انسانية ده واحد بيوصف في واحدة من نساء الدنيا. ما بالك بقى بجمال يعني المرأة في الآخرة. جمال مراتك. يبقى شكلها ايه؟ وده الشكل - 00:43:04
صوتها يغنيها باصوات لم تسمع الخلائق مثلها. تخيل انك انت متجوز يعني اشهر مغنية على وجه الكرة الارضية. الحمد للسيجارة دي بقى ما هياش حاجة في الصوت بتاع مراتك في الجنة. طب تخيل بقى كمان الحب بتاعها والعواطف المتفجرة بتاعتها لدرجة ان فيه اثار - 00:43:24

ان يعني الزوجة في الجنة لا تصبر يعني ان هي من شوقها لجوزها يوم القيامة طول. فترسل من يعني قدمها ان يطلبوا ان يعني يستطلعوا زوجها وصل لفين؟ في ارض القيامة. فيرجع لها واحد ويقول تركته عند الصراط اهو عند الصراط - 00:43:44
قعد يقول وهو عند الميزان. حتى اذا بشرت انه دخل الجنة قامت فاعتنقته فيدخل في انفها من رائحتها ما لا يخرج بعد هذا. يعني من كتر الريحة بتاعتها او الجمال بتاع العطر بتاعها. ده ده يعني الزوج في الجنة. طب ده داء الزوجة في الجنة. طب - 00:44:04
في الجنة طب انت في الجنة طب زوجك في الجنة يعني تخيلي كده على جمال يوسف على جمال يوسف اللي الستات قطعوا ايديهم لما شافوا شكل جماله وعلى جسد ادم ستون ذراعا في السماء. ما هو انت الجنة مليانة متعة. ما هو انت لو بجسمك ده لو المية وستين سنتي بتوعك دول في الجنة هتيجي - 00:44:24

تاكل لقمتين هتشبع. الموضوع مش نافع. ما انتاش عارف تاكل اصلا. يدوبك كده تاكل ربع عناية وتقوم نايم في الارض. ما انت قادر فرنا بيعطيك جسم ستون ذراعا في السماء. عشان تعرف تتمتع. عشان تعرف الانسان يتنعم في الجنة. ستون تخيل كده ستون! يعني يعني ده دوا طوله - 00:44:44

ده ده برج ما شاء الله! ها وهو يتناعم في الجنة. ده ده يعني مش ماضي بيلد بقى ويقعد يعني حاجة تانية خالص. وفي نفس الوقت قوته اوتي قوة يعني كقوة مئة رجل. وفي نفس الوقت بقى العواطف بتاعته. العواطف بتاعته اول ما يشوف مراته كده ويقول لها لقد ازددتم بعد - 00:45:04

يا حسنا وجمالا. كلام جميل. واحد كلامه جميل. طبعا يا جماعة الجوازة اللي احنا بنوصفها ديت هي عبارة عن جوازة. ما بين راجل من اهل الدنيا وست ايه من ايه؟ من اهل الدنيا. حور عين ايه يا عم؟ حور ايه ده يا عم؟ احنا يعني حد فيكم عايز حور عين - 00:45:24

حد عايز حور عين؟ ما حدش عايز حور عين اهم بنظمن الستات كل الرجالة عايزين ولا لأ؟ بيقولوا لأ اهو. طب ما تخافوش يعني طب انا اقول لك حاجة يا اخي. ايه عشان الستات تعرف. يعني انت لو دخلت الجنة ولقيت مراتك حبيبته كده في الجنة. مراتك

مراتك - 00:45:44

اه ولقيت الحور العين. يا اخي بالله عليك هتروح لمراتك ولا للحور العين؟ اهو شوفوا عشان الستات بتاع الرجاله كلهم بيقلولوا ايه ؟
اه اه انتم سامعين اهو. حور عين ايه ؟ قال الحور العين فشر. حور عين ايه - 00:46:04

ده احنا يعني على فكرة يا جماعة فعلا الفارق ما بين الجمال ما بين الحور العين وما بين نساء الدنيا فارق مهول. فارق مهول. واه
والحور العين دول من انواع نعيم المرأة في الجنة. يعني نعيم المرأة بتاعة الدنيا دي في الجنة. من انواع نعيمها الحور العين ازاى ؟
يعني انا جوزي يبقى عنده حورية - 00:46:24

ويبقى نعيم لي يا بنتي كانوا زمان في بلاد في القرى بقى والنجوم لما كانوا يحبوا يحلوا العروسة في عينين جوزها كانوا يجيبوا
واحدة اقل منها جمالا يقعدوها يقوم جوزها لما يشوف الاقل جمالا تحلى في عينه مين ؟ مراته. فكدلك الحور العين اقل جمالا من
نساء الدنيا فبيبرزوا جمال نساء الدنيا في - 00:46:44

الجنة اكثر. فبيخلوا الراجل يعرف قيمة زوجته من نساء الدنيا. لان الزوجة اللي من نساء الدنيا هي اللي لبست النقاب. هي اللي
استحملت الحر والنقاب. هي الاستحمية اللي اشتغلت في الدعوة الى الله. هي اللي قامت الليل. هي اللي صامت النهار. انما الحور
العين عندما تاع من ضمن متاع الجنة. زي قصورها زي انهارها زي فواكهها. متاع من ضمن بتاع الجنة - 00:47:04
فلا يوجد وجه مقارنة ما بين جمال دي وجمال دي وما بين ملك دي وما بين يعني وضع ديت ما فيش وجه مقارنة نهائي يا اخواني
عشان كده يعني موضوع الزواج في الجنة. موضوع الحب في الجنة. الحب في الجنة. موضوع الحياة الاجتماعية في الجنة. موضوع
مساكن الجنة. طعام - 00:47:24

الجنة شراب الجنة كل حاجة في الجنة جميلة اوي يا جماعة. خسارة. خسارة ان يبقى جنة عرضها السماوات والارض وانت ما لكش
فيها شبر. خسارة. خسارة ان النعيم ده تضيعه من ايديك. كلمة ما بنسأهاش ابدا لابن عثيمين - 00:47:44
الله لما يقول المسلمون يعتقدون انهم سيدخلون الجنة حتما. وهم يعصون الله ليل نهار. وادم عصى الله مرة فاخرجه من الجنة. كيف
بنعقلها ازاى يا جماعة؟ خسارة خسارة ان الجنة دي ما تبقاش حلم حياتك. ما تبقاش - 00:48:04
جهدك ليل ونهار خسارة. خسارة يا جماعة. وما الحياة الدنيا الا متاع الغرور. يا اخوانا تفوقوا دنيا ايه! اللي معطلانا عن الجنة. دنيا
ايه اللي شغلانا عن الجنة! دنيا ايه اللي منسيانا الجنة - 00:48:24

وما الحياة الدنيا الا متاع الغرور. الجنة. حد يعرف وصف الجنة. حد يسمع سطر واحد عن الجنة ويفكر في الدنيا وتشغله الدنيا. الكلام
ده له تمن يا جماعة. الكلام ده تمنه ليلك ونهارك. ان الانسان لفي - 00:48:44
مصر كله خسران الجنة الا الذين امنوا. وعملوا الصالحات وتواصوا بالحق وتواصوا بالصبر. اللي عمل الصالحات واشتغل في الدعوة
الى الله والصبر على اذى اهل الباطل. هم دول سكان الجنة. هم دول عمار الفردوس الاعلى. هم دول خسارة يا جماعة -

00:49:04

اعظم صفقة في الوجود هي اللي انا جاي اكلمكم عنها النهاردة. للأسف الشباب اللي بيروحوا المنتجعات السياحية لا بيغفون عنها حولا.
والبنات قدام قنوات الاغاني لا بيغفون عنها حولا. والجنة هي الحقيقة التي لا يبغي اهلها عنها حولا. ما بنفكرش في الجنة ليه؟ زاهدين
فيها - 00:49:24

دنيا ايه! اللي شغلانا عن هذا النعيم المقيم. سيدنا عيسى كان معه ثلاث ارغفة. جه واحد من اليهود قال له اصحابك يا نبي الله
اصحابنا سيدنا عيسى راح يصلي الراجل جاع قام واخذ رغيف واكله. جه سيدنا عيسى قال له اين الرغيف الثالث؟ قال له والله ما
كان الا رغيفين. هم اتنين. سيدنا - 00:49:44

عيسى واحد دبح ظبي فسيدنا عيسى باذن الله دعا الله فاحيا الله الطبي. الراجل زهل. سيدنا عيسى شاف الزهول في عينيه. قال له
بالذي ارى كهذه الاية من الذي اكل الرغيف الثالث؟ قال له والله ما كان الا رغيفين. سيدنا عيسى سكت. جم يعدوا لقوا نار. قام سيدنا
عيسى مشى - 00:50:04

النهر وخذ الرجل معه. الرجل زهل. سيدنا عيسى قال له بالذي اراك هذه الاية. من اكل الرغيف الثالث؟ قال له والله ما كان الا رغيفين. سيدنا عيسى تسكت عبد بعد النهر لقوا ثلاث تحت ذهب ثلاث سبايك ذهب مرميين. سيدنا عيسى قال له ارى في عينين الرجل الانبهار بالدنيا. ارى في عينين الرجل - [00:50:24](#)

طمع الدنيا قال له قطعة لي وقطعة لك وقطعة لمن اكل الرغيف الثالث. قال له انا انا الذي الرغيف الثالث اكلته وانت تصلي. سيدنا عيسى رمى له الثلاث تحت ذهب وقال له لا اصحابك ابدا. انت حلفت بربنا كذب سابه - [00:50:44](#)

الرجل مسك الذهب هيتجنن. هابقي ملياردير. هاتجوز ملكة جمال العالم. هاسكن في افخم قصر. وهو هيتجنن بسبب الذهب. ثلاث لصوص معديين شافوه دخلوا عليه دبحوه وخدوا الذهب منه وسابوه جسة بيتلوى في الدم بتاعه. بني ادم لحم ودم دبحوه - [00:51:04](#)

عشان تلت تحت ذهب قعدوا الثلاثة هيتجننوا من الفرحة. هنبقى مليارديرات. هنعمل اللي احنا عايزينه. عايزين نحتفل بالاكل بقى. نعمل حاجة حفلة عشان الذهب ده. واحد قال لهم انا هاروح اجيب لكم الاكل. وهو رايح يجيب الاكل. الشيطان جا له. فيه ايه؟ قال له ده انا بقيت مليونير. ده انا معي حته ذهب - [00:51:24](#)

قال له قصدك ثلاث تحت. قال له قصدك ثلاث تحت ازاى؟ هي حته واحدة. قال له انت فاهمني كويس. قال له لأ. دول اصحابي. قال له هيبقى معك ثلاث تحت ذهب. بدل ما يبقوا اسرة - [00:51:44](#)

وثلاثة بدل ما تبقى زوجها يبقوا ثلاثة. بدل ما يبقى نعيم هيبقى ثلاثة. راح جاب لهم اكل وحط سم فيه. هم الاثنين فرحانيين. كل واحد بقى عنده وحته ذهب وبعد كده الشيطان جا لهم قصدكم حته ونص. ليه؟ وصاحبكم ياخذ ليه؟ طب ما تاخدوها وتقسموها بينكم. اتفقوا ان اول ما يبجي يقتلوه - [00:51:54](#)

جه راجع لهم ابو قايمين قاتلينه وسابوه يتلوى في دمه. وهو مات وهم الاثنين قعدوا ياكلوا. بياكلوم شوية لقوا نفسهم خلاص مطلوبة تتمزق. بدأوا يتقيؤا دم. بدأوا يقعدوا يموتوا بسبب السم اللي حطه لهم. اربع جسس وقعت في دمها. والثلاث تحت ذهب - [00:52:14](#) جنبها سيدنا عيسى معدي لقي الثلاث تحت ذهب مرميين زي ما هم. اي والله يا جماعة. والله العزيز هي دي الدنيا بالحرف. وان اختلفت التفاصيل هي دي القصة بالحرف والله وان اختلفت التفاصيل. كله بيبقى شوية جسس معفنة تحت التراب والثلاث تحت ذهب - [00:52:34](#)

زي ما هم لقي ثلاث تحت ذهب واربع جسس حوالهم. فقال هذه هي الدنيا فدعوها. هي دي الدنيا. وما الحياة الدنيا الا متاع الغرور. وما الحياة الدنيا الا متاع الغرور. ايه اللي يستاهل؟ غير الجنة. اللي ربنا رغبنا فيها. غير الجنة - [00:52:54](#)

اللي النبي عليه الصلاة والسلام رغبنا فيها. طبعا يا اخواني يعني مسألة ان احنا يعني نتكلم عن الجنة بوصف تفصيلي. احنا لنا في الجنة مرتين بس. زي ما قعدنا في جهنم - [00:53:14](#)

مرتين بس نافذة على دار الجحيم واول يوم في النار. هنقعد في الجنة ان شاء الله مرتين بس. النهاردة مش هتقدر تغمض عينيك. سبب اننا لا ننام في الجنة او محاولة - [00:53:24](#)

الاستكشاف هي الجنة دي ما فيش فيها لحزة ينفع انام فيها من اللزة اللي انا عايشها. المرة الجاية بازن الله سبحانه وتعالى. يعني هيبقى موضوع مهم جدا. هنتكلم ابعاد تمن الجنة. هنتكلم عن احنا على الطريق ولا مش على الطريق؟ هنتكلم عن يعني روعة الجنة قد ايه؟ هنتكلم عن يعني ان شاء - [00:53:34](#)

وهيبقى معنا بقى مقطع او مقطعين كده تصوير كده لافخم نعيم وصل له ادراك البشرية. يا ترى اذا كان ده نعيم الدنيا امال نعيم الجنة شكله ايه؟ امال نعيم الفردوس الاعلى شكله ايه؟ ان شاء الله المرة الجاية الجزء الثاني من الجنة. وبعد كده هندخل في سلسلة رحلة الى دار الخلود هندخل في المقابر. بازن - [00:53:54](#)

سبحانه وتعالى ونحاول ان احنا بقى ايه نعلم المقابر شوية حتى زرتهم المقابر. آآ اخوانكم في آآ المحطات السبعة لتحفيظ القرآن الكريم آآ عاملين ترابيزة التحفيز برة برة المسجد يعني فيه ترابيزة يعني هتبقى ان شاء الله مستمرة بقى تبع تحفيز المحطات السبعة

اللي هو موجود في دار البيان اللي في شارع سامية الجمل اللي هو يعني يعني انتم عارفين مكانها. اعتقد يعني المعزم عارف مكانه عند مسجد البدر. يعني يعني عندي البيت عندي بالزبط كده - 00:54:34

اه اه التحفيز طوال الاسبوع والتجويد طوال الاسبوع. عاملين فكرة جديدة جميلة جدا. صح تلاوتك. اللي مش عايز يحفز يروح لحد تلت مرات في الاسبوع يقرأ وحد يقريه يتعلم ازاى يقرأ القرآن صح. حتى لو مش عايز يحفز. حد يعلمه التلاوة السليمة -

00:54:44

حب يعلمه كيف يقرأ القرآن قراءة سليمة فمشروع المحطات السبعة ومشروع صح تلاوتك برة يا جماعة ان شاء الله الترابيزة بتاعة التحفيز اتمنى اتمنى ان يعني اخوانا ينتبهوا لخطورة حفز القرآن. رمضان لسة عليه ثلاث شهور يا جماعة. رمضان لسة عليه -

00:55:04

ميت يوم على رمضان. استيقظوا يا اخواني شهر القرآن وموسم الحصاد الاعظم. لسة عليه ميت يوم. فوقوا بقى. في وبكتاب الله ان شاء الله بازن الله آآ فيه جنازة جاية في الطريق وليس له اهل ومتوفى منز خمس شهور وتقريبا في المستشفى في - 00:55:24

محتاجة تقريبا بقى له فترة يعني يعني نحاول نتبع الجنازة كده ان شاء الله ليتيسر له. عشان كده اول ما هنخلص الدرس فورا ان شاء الله وهنبداً ايه ؟ الورش فورا بازن الله. اول ما نخلص الدرس فورا نبداً الورش بتاعتنا السبع تمن ورش بتوعنا والنساء ان شاء

الله بازن الله يبدأوا الورش - 00:55:44

بازن الله سبحانه وتعالى فورا عشان ان شاء الله ان اتت الجنازة يعني اللي عايز يدبجها يدبجها سبحانه اللهم وبحمدك اشهد ان لا اله

الا انت استغفرك واتوب اليك - 00:56:04